



Gipuzkoako enpresa sarearen aukerak, balio diferentziala eta iraunkortasuna sustatzeko programa.

VII.ERANSKINA: GARAPEN JASANGARRIA

Urtea :2020 | Ekonomia Sustapena

DESKRIBAPENA

Balio sozial partekatua modu proaktiboan sortzearen aldeko testuinguru bat sustatzea, alderdi ekonomikoa, soziala eta ingurumenekoa Gipuzkoako enpresa jardueraren eraldaketan txertatuz.

ENTITATE ONURADUNAK

- Gipuzkoan errotutako enpresak eta enpresa elkarteak.
- EAEn kokatutako enpresa elkarteak, Gipuzkoan kokatutako enpresen interesak ordezkatzeko dituztenak.
- Zientzia, Teknologia eta Berrikuntzako Euskal Sareko entitateak, Gipuzkoan kokatuak.

DIRULAGUNTZEN XEDE DIREN JARDUERAK

Hauek dira diruz lagundu daitezkeen jarduketak: proiektuak garatzeko ikerketak, analisiak, tresnak, azterketak eta sustapen eta dinamizazio ekintzak, eta baita ere proiektu esperimentalak eta ekintzen ezarpenak balio sozial partekatuaren sorkuntzaren eta garapen jasangarriaren esparruetan; hauek dira garatu beharreko proiektuak:

- Arlo sozialeko, ingurune eta lurraldeetako behar, erronka eta aukerak asetzeko modu berriak bideragarriak egitea, ekonomiaren abantaila erlazionalak eta pertsonen, enpresen eta lurraldearen ahalduztzearen potentzialitateak optimizatuz.
- Enpresen estrategia eta balio-katea birdefinitzea, ekonomia, gizarte eta ingurumen dimentsioa txertatzeko.
- Jarduera ekonomikoan Garapen Jasangarriko Helburuak (GJH) txertatzea.
- Gizartearen, ekonomiaren eta ingurumenaren jasangarritasuna integratzen eta garatzen duten antolakuntzako eta lurraldeko esku-hartze ereduak garatzea.



- Enpresek gizartearekin eta lurraldearekin duten erantzunkidetasuna sustatzea.
- Negozio eredu inklusiboak artikulatzea.
- Gipuzkoako enpresen ezaugarri, behar, eta aukerei egokitutako estrategiak diseinatzea.
- Enpresek edo enpresa inguruneke eragileek osatutako lankidetza sareak sortu eta garatzea.
- Enpresa edo lurralde arloko gaitasunak eta balio-kateak identifikatu eta garatzea, baita horietan oinarritutako aukerak ere.
- Sentsibilizazio eta kontzientziazio ekintzak ezartzea.
- Balio erantsiko negozioak eta jardunbide egokiak modelizatzea eta zabaltzea.

DIRUZ LAGUNDU DAITEZKEEN KOSTUAK

Diruz lagungarriak izango dira erakunde eskatzaileak aurkezten duen aurrekontu banakatu eta xehatuan jasotako kostuak, jardueraren garapenari zalantzarik gabe lotuta daudenean. (Ikusi diruz lagungarriak diren kostuak 12.oinarrian).

DIRULAGUNTZEN ZENBATEKOA

Dirulaguntzak kostu hautagarrien % 75 izango dira, salbu eta hainbat proiektuetan -ikerketak, analisiak, azterketak, tresnak, kontzientziazioa eta sentsibilizazioa, ebaluazioa eta sustapen eta dinamizazio ekintzak- % 100 izango baitira.

EMATEKO PROZEDURA

Lehiaketa bidezkoa, deialdi eta hautapen prozedura bakar baten bitartez.

BATERAGARRITASUNA ETA BATERAEZINTASUNA

Dirulaguntza hauek ez dira bateragarriak helburu bererako beste dirulaguntza, sarrera edo baliabiderekin, baita edozein administrazio edo erakunde publiko nahiz pribatu nazional, europar edo nazioartekotik etortzen direnekin ere.



BETETZEKO EPEAK

- Eskaerak aurkezteko epea: **2020ko irailaren 29an, goizeko 12:00etan amaituko da.**
- Jarduerak hasteko epea: **dirulaguntza eskatu ondoren hasiko dira, urte naturalaren barruan.**
- Proiektuen exekuzio data: **2021eko ekainaren 28a.**
- Proiektuak justifikatzeko data: **2021eko uztailaren 28a.**

ARAUDI APLIKAGARRIA

Gipuzkoako enpresa sarearen aukerak, balio diferentziala eta iraunkortasuna sustatzeko programaren 2020ko oinarri arautzaileak eta deialdia: VII.ERANSKINA - Garapen jasangarria sustatzeko (GJH) eta enpresen balio sozial partekatua sortzea. (2020ko uztailaren 21eko Diputatuen Kontseiluaren erabakia. [GAO 144 zk. 2020ko uztailaren 30ean](#)).

ESKAERA EGITEKO URRATSAK

- Informazioa eta dokumentuak
<https://www.gipuzkoa.eus/eu/web/ekonomia/programak-eta-laguntzak/lehiakortasuna/Garapen-Jasangarria>
- Eskatera kudeatzeko aplikatiboa
<http://sustapena.gipuzkoa.eus/kudeaketa>

EDOZEIN ZALANTZA IZANEZ GERO, KONTSULTATU

EKONOMIA SUSTAPENeko ZERBITZUA

Kudeaketa administratiboa: 943.113981

Kudeaketa teknikoa: 943.112217

sustapena.lehiakortasuna@gipuzkoa.eus